

Paayt'anil u Ketlamil Táan kaaj 2026 uti'al le Sistema OPLE (Kóomil)

Le Instituto Nacional Electoralo' ichil u kúuchil u meyajil Dirección Ejecutiva uti'al Servicio Profesional Electoral Nacional, tu paayt'anik máako'ob u k'áato'ob okol ti' le Servicio Profesional Electoral Nacional ti' u muuch' meyjilo'ob Organismos Públicos Locales Electorales ka táakpajako'ob ti' le Ketlamil Táan kaaj 2026, tu'ux kun e'ejéentak kuucho'ob yéetel kúuchilmeyajo'ob uti'al le Servicio Profesional Electoral Nacional ti' u Organismos Públicos Locales Electorales (OPLE).

I. U xuulil:

Yéeyik, ichil junp'éeel tsoolil táan kaaj, ka óojetak bix kun úuchul yéetel yo'olal meyjilo'ob, le máako'ob ku chúukbesiko' le ba'axo'oba', u kaambalilo'ob, u náatil yéetel wa síijnal uti'al u meyaj tu táan kaaj k'áabet uti'al u páajtal u meyajtik noj meyo'ob yo'olal u materiai' electoral ti le OPLE'obo.

Le u Ketlamil Táan kaaj tu kaxantik u múuk'a'ankuntik u meyjil yéeytambal ich kaaj ichil u yoksa'al máako'ob ku meyajjo'ob yéetel u táan kaaj profesionalo'ob, chuukano'ob yéetel u k'ubmajuba'ob ti' u uts meyjilo'ob u kúuchil uti'al yéetambal, beyxan u meyajta'al ba'axo'ob k'áabet ti'al junp'éeel yéeytambal bix unaj yúuchul, táakapajak tuláakal máak yéetel ma' yáantal k'uxil, beyxane' ka múuk'akinta'ak yéetel kanáanta'ak le derechos políticos – electorales u táan kaaj.

II. Máaxo'ob ku paayt'antalo'ob:

Je'el u páajtal u táakpajal tuláakal máaxo'ob síijnalo' tu Noj lu'umil México'e' ka yoto'ob okol ti' le Servicio Profesional Electoral Nacional ti' u kúuchilo'ob OPLE, láayli' ka u chúukbeso'ob ba'ax ku k'áata'al ti' le ketlamila' beyxane' ka beeychak u yaantal u perfili' uti'al ka'anal kuucho'ob wa ka'anal kúuchilmeyajo'ob, tu'ux kun yoto'ob u ts'íibtuba'obe'. Beyxane', je'el u páajtal u táakpajalo' u meyjilo'ob ti' le Servicio Profesional Electoral Nacional wa tu ts'íibotko' u jo'olintiko'ob junp'éeel ka'anal kuuchil wa ka'anal kúuchilmeyaj ti' le táan u meyaj bejla'a', bale' k'áabet xan u chúukbeesko' ba'ax ku k'ata'al yéetel ka u beeto' ba'ax ku ya'alik le Ketlamila'.

III. Ba'ax ku k'áata'al uti'al u táakbesikubaj máak:

- Sijnáal tu lu'umil México yéetel kuxan ti' tuláakal u páajtalilo'ob.
- Ka áanak u credencial ti'al yéeytambal tu beeyanil.
- Ma' u tak'pachtik mix jump'éeel partido político.
- Ma' ts'íibta'an u k'aaba' tumen jump'éeel partido político ti' jump'éeel yéeyba'il kuuch ti u táan kaaj ichil le óoxp'éeel ja'aba' ts'o'ok u máano'.
- Ma' p'ata'an bey ma' u béeytal u ts'a'abal meyaj ti'.
- Ka u ye'es ma'alobil xook yéetel u beetmaj meyaj yo'olal le kuuch wa u kúuchilmeyajo'.
- U máansik tuláakal le p'iskambalil le Ketlamila'.
- U chupik yéetel u ye'esik u ju'unil ku k'aabatik "8 de 8 contra la violencia", jóoronts'íibta'an.

IV. U táan óolta'al keetkunajil yéetel u táakbesa'al tuláakal máak

Le u Ketlamil Táan kaaj 2026a' ku meyaj yéetel tojbe'en keetkunajil, xma' pech' óolil yéetel je'ek'ab ti' tuláakal máak. Tu yo'olale', ma' tu páajtal u ch'a'a p'eehtal máak yo'olal u ch'i'ibalil, u lu'umil, u t'aan, u ja'abil, wa yaan ba'ax ma' tu beetik, u wíiniknáalil, máax uts tu yich, bix u yilikubaj máak tu wíiniknáalil, wa k'oja'an, bix u yoxsin yóol ti' K'uj wa je'el ba'axak ku máansik máak tu kuxtal.

Yo'olal u beeytal u yúuchul u keetkunajil yéetel ka áanchajak jump'éeel uts táakpajale' tuláakal máaxo'ob u k'áato' okole', yáan u ts'a'abal páajtalilo'ob ti'al yokolo' beyxan u túukulil ti'al máako'ob wa yaan ba'ax ma' tu páajtal u beeytal wa páajchajak u beetiko'. Ichil le páajtalilo'ob ku beetbila' yaan u yaantal ju'uno'ob digitalo'ob ti' internet; u jóok'sa'al yéetel u ts'a'abal ojeeltbil le Paayalt'ana' ichil máasewal t'aano'ob; u láak'intik máak uti'al u yokbal ti' le Subsistema'o'; u je'ebik u mejen kúuchil internet uti'al u béeytal u yokol tuláakal máak; u ts'a'ik túumben nu'ukulo'ob uti'al áantajil yéetel u ts'a'ik u chuka'an súutukil uti'al le p'iskambalo'ob; yéetel áanchak áantaj ti' le k'áatchi'ilo'obo' je'el u béeytal u ts'a'ik ujel áantajilo'ob, je'el bix máak ku sutt'aan ich Lengua de Señas Mexicana wa áantajil uti'al u ma'alob péek yéetel máan máak wa u láa' ba'axo'ob.

V. U Tso'ololil le Ketlamil 2026a'

Le u Ketlamil Táan kaaj 2026a' yaan u yúuchul ichil bolonp'éeel tso'olil ti' le k'iino'oba':

Meyajil	K'iinil
U jóok'sa'al yéetel u ts'a'abal ojeeltbil le Ketlamila'	30 ti' julio tak 14 ti' agosto ti' 2026
U ts'íibtikubaj máak yéetel u ka'a éejenta'al u k'aaba' le máax taak u k'amik le kuucho'obo'	7 tak 14 ti' agosto ti' 2026
U yila'al wa ku éejenta'al u táakpajal máak ti'al le p'iskaambalo'	24 tak 28 ti' agosto ti' 2026
U ts'a'abal le p'iskaambalo'	19 ti' septiembre ti' 2026
U na'aksal ju'uno'ob ti' intenet uti'al yilal wa chúuka'an ba'ax ku k'aata'al.	10 tak 16 ti' octubre ti' 2026
U yúuchul le u p'isil psicométrico ti' u tuukul máak	7 ti' noviembre ti' 2026
U meyajta'al le k'áatchi'ilo'obo'	U káajal 18 ti' noviembre ti' 2026
U ts'a'abal ojeeltbil ts'ook xookil ti' buka'aj tu jóok'saj máak ti' le p'iskambalo'	Túukultán u yúuchul tu ka'ap'éeel séemanai' diciembre ti' 2026.
U je'ets'el le máako'ob tu náajalto'ob le kuucho'obo':	U káajal 21 ti' diciembre ti' 2026

VI. U kúuchilo'ob chíimpoolta'an uti'al ts'a'abal ojeeltbil.

Tuláakal ba'ax kun ts'a'abal ojeeltbil yo'olal le Ketlamil Táan kaaja', yaan u beetal ti' u páaginai' interneti' INE: www.ine.mx.

Uti'al k'atchi'e' wa áantaje', le máako'obo' je'el u páajtal u t'aano'ob ti' INETEL, ti' **800 433 2000**, wa u túuxto'ob ts'íib ti' correo electrónico concurso-ople.spen@ine.mx, k meyaj lunes tak viernes, ichil 9:00 tak 18:00 horas.